



INATSISARTUT

Aningaasaqarnermut Akileraartarnermullu Naalakkersuisoq

Ulloq: 12. december 2025

J.nr.: 01.31.06/25-01156

Aningaasaqarnermut Akileraartarnermullu Ataatsimiititaliap ataasinngornermi ulloq 24. november 2025-mi aalajangiineranik Naalakkersuisunut ilisimatitsineq.

Suliffissanut isertarfimmik nutaamik ineriartortitsinissamut missingersuutitut sunnuteqaanngitsumik ilassutitut aningaasaliissuteqarnissamut qinnuteqaqqinneq. Ataatsimiititaliap suliaa nr. 01.31.06/25-01156.

”Naalakkersuisut inassutigaa,

- konto pingaarnermi 31.07.02-mi piginnaasanik ineriartortitsiviusumik pikkorissarnernut tunngasumi, aningaasaliissutit 2025-mi 4.873.000 kr.-inik ikilineqassasut, aamma
- konto pingaarnermi 82.20.03-mi, isumaginninnermut tunngatillugu IT-mut atortulersuutitut tunngasumi suliniummut nutaamut nr. 40 088-mut, suliffissanut isertarfik nutaamut tunngasumut, aningaasaliissutit 2025-mi 4.873.000 kr.-inik amerlineqassasut.”

Aningaasaqarnermut Ataatsimiititaliap oqaaseqaatai apeqqutaalu

Apeqqut 1

Suliassap ineriartortinneqarnerani ingerlanneqarneranilu najukkami suliffeqarfiit suliassap ilaanut peqataaqataatinneqarsinnaanerannut Naalakkersuisut inatsisikkut qanoq periarfissinneqarnersut paasissutissiissutigineqassasoq ataatsimiititaliamit kissaatigineqarpoq.

Apeqqut 2

Suliassat matumani pineqartutut ittut neqeroorutigineqarnerannut atatillugu najukkani suliffeqarfiit salliutinneqarsinnaasunngorlugit inatsisit allanngortinneqarsinnaanerannut periarfissat paasissutissiissutigineqarnissaat ataatsimiititaliamit kissaatigineqarput.

Apeqqut 3

Tusarniaanermut akissutit marluk suliarnut ilanngunneqarsimapput.

Suliffissarsiuussisarnermi, nakkutilliinermi sulisussarsiornermilu Namminersorlutik Oqartussat inatsisitigut aalajangersarneqartumik suliassaminnik, tassungalu ilanngullugu ilinniartut pillugit inatsimmi aammalu suliffissarsiorlut killilersimaarneqarnissaat pillugu

inatsimmi piumasaqaatit eqquutsinneqarnissannik, isumaginniinnarsinnaaner at isertarfiup nutaap qulakkiissagaa tusarniaanermut akissutip aappaani allassimavoq. Taaguut “suliffissanut isertarfik” pineqartoq taannaannaangippat sooq Naalakkersuisunit atorneqarpa?

Apeqquut 4

Neqeroortitsineq ilinniartunut isertarfissaannarmut tunngasimappat suliaasaq najukkami ingerlatsisunit suliarineqarsinnaassagaluartoq Naalakkersuisunit ilimagineqarpa?

Apeqquut 5

Naalakkersuisut suleriaasianni § 11-p malinneqarnissaa tusarniaanermut akissutip aappaani innersuussutigineqarpoq, tassa isummernissamut tunngavissiami immikkoortut tullerijaaarneqarnerat taassuma aalajangersagartaanik malinninngimmata. Aalajangersakkap imarisaa ataatsimiititaliamit ujartorneqarpoq. Suleriaatsip taaneqartup assilinera ataatsimiititaliamit qinnutigineqarpoq.

Apeqquut 6

Neqeroorteqartitsiner mi aki manna tikillugu anguneqarallartoq naatsorsuutigineqartumut naleqquppa?

Isertarfiup ingerlanneqarneranut ukiumoortumik aningaasartuutit Naalakkersuisunit qanoq naatsorsuuteqarfigineqarpat, tamatumani siusinnerusunut aamma sanilliussilluni?


Apeqquut 7

Tusagassiorfiit suliamik allaaserinninneranni allassimavoq suliffissanut isertarfiup nutaap namminersortut suliffissanut isertarfiutaat niuerfinni pioreersut unammillissagai, tamannalu tamat oqartussaaqataanerannut sanilliullugu ajornartorsiutaassasoq. Taama isiginninneq Naalakkersuisunit isumaqatigineqarpa?

Aningaasaqarnermut Ataatsimiititaliap aalajangiinera

Apeqqutitut siuliani allassimasunut akissutip tiguneqarnissaata tungaanut Naalakkersuisut inassuteqaataasa isummerfiginissaat ataatsimiititaliamit **kinguartinneqarpoq**.

Inussiarnersumik inuulluaqqusillunga



Erik Jensen

Aningaasaqarnermut Akileraartanermullu Ataatsimiititaliap siulittaasua